


Jān Bürejtōn Dieter F. Uchtdorf

Rikakpilōklōk eo Kein Karuo
ilo Bürejtōnji eo Kein Kajuon



Naan eo an Anij n̄an Ajri ro Nejin

Jeje ko rekwojarjar rej jiroñ kōj bwe men eo mōktata Anij eaar kōmṃṃane ālkin kōmṃṃan ṃṃaan im kōrā eaar kōnono n̄an er.¹ Ewōr Ippān meṃeṃe im katak ko raorōk n̄an liṃok n̄an er. Jibadbad eo An eaar jab n̄an kaddodo ak kainepataik er ak n̄an tōl er n̄an ṃōṃōṃō im aiboojoj indeeo.

Im eaar baj jinoin wōt eo. Jān raan eo n̄an iien in, Anij eaar kōnono wōt n̄an Ajri ro Nejin. Naan ko An kar kōjpa-roki, kar kaorōki, im kar ekkatak jān rikaṃoor ro ilo kajjojo epepen. Raar kaorōki jān ro rej kappukot n̄an jeṃā ankilaan Anij, im rej kwaṃok kaṃool kōn ṃool eo me “Irooj e jab kōmṃṃan jabdewōt n̄e ab Ej kwaṃok pepe eo An n̄an ri karijeran, ri kanaan ro.”²

Eñin kar baj joñak eo jān jinoin, im bwe joñak in ej wōnṃṃaanṃok rainin. Ejjab baj juon bwebwenato ilo Baibōṃ; ej wāween kōnono eo eaorōk Anij ekar ejaake n̄an ajri ro Nejin. Eaar kālet jet jān ilubwiljiid, kūr er rikanaan ro, im leṃok n̄an er naan ko n̄an ba, eo jej ruwainene n̄an “bōke, āinwōt n̄e ej jān loñiin [Make].”³ Eaar kwaṃok, “Mekarta jān Ainikiō make ak jān ainikien ro rikarejera, ej āinwōt juon.”⁴

Eñin ej juon iaan ennaan ko raiboojoj, rekōbbakkak, im kōjatdikdik eo an Jepṃaaktok in—Anij ejjab ikōñ! Ej iakwe aolep ajri ro Nejin. Eaar jab likūt kōj n̄an etetal ilo marok.

Ruo alen ilo kajjojo iiō, ilo Eprōṃ im Oktoba, ewōr ad iien emṃṃan n̄an roñ ainikien Irooj jān ro Rikarejeranṃ ilo kweilōk eo eṃap ad raiboojoj.

Ij lewaj aō make kaṃool bwe mōkta jān juon rikōno-ilo ilo kweilōk eo eṃap ej itok n̄an lokatok in, eaar pukot eṃap kijejeto ilo, jar, im ekkatak n̄an unin kōnono eo n̄an kōnono. Kajjojo ennaan ilo kweilōk eo ebōk awa ko in kōppopo im būruwōn wūjleṃok n̄an meṃeṃe ta eo Irooj ej kōṃṃaan bwe Armej ro An Rekwojarjar ren roñjake.

Ta emaroñ waṃok n̄e kōj āinwōt riroñjake ro keidi kōppopo eo an rikōnono ro’ ippān eo ad make? Elmen an oktak ad jibadōkṃok kweilōk eo eṃap eṃañne jej lo kweilōk eo āinwōt juon iien emṃṃan n̄an bōk ennaan ko jān Irooj Make? Jen naan im al ko ilo kweilōk eo eṃap, jej maroñ in bōk uwaak ko ad make n̄an jabdewōt kajjitōk im būrabōlōṃ ko jej jelṃai.

Kwonañin ke ṃōṃṃak n̄e Jemedwōj Ilañ enaaj lukkuun kōnono n̄an eok, imaroñ kakeememej eok kōn juon enaan epidodo loi ilo naan ko me ajri ro nejiid ilo Būraimere rej al kake: “[Kwoj] ajri nejin Anij, im eaar jilkintok [eok] n̄an ijin.” An jibadbad ej n̄an jipañ eok jepṃaak “im mour ippān juon raan.”

Eṃañne kwoj kepaakṃok Jemedwōj Ilañ āinwōt ajri Nejin, komaroñ kajjitōk Ippān kōn bōro emṃool, “tōl iō, ṃoor iō, etetal ippa, jipañ eō aolep iien. Katak in eō aolep men.” Enaaj kōnono n̄an eok kōn Jetōb Kwojarjar eo An, innām ej aṃ pepe “n̄an kōmṃṃan ankilaan.” Ij kallimur bwe eṃañne kwoj kōmṃṃane, “enaaj kōjeraamṃṃan eok.”⁵

Tōl eo an Irooj ej menin aikuj rainin jen kar mokta ilo bwebwenato in laḷ in. Ilo ad maanjabpopo ñan roñ ainikien Irooj, jān tiljek kappukot Jetōb in mool eo bwe ñe Irooj ej kōnono ñan ro Rikarejeraṅ, jen maroñ meḷeḷe, juon wōt, im mōṅōṅō ippān doon.⁶

Ij kaṁool bwe “jān kōmṁani men kein aor ko an hell rej jamin anjo ṅae [kōj]; aaet, im Irooj Anij enaa kajjeplōklōk kajoor ko an marok jān [iṁaad], im kōmṁan bwe lañ ko ren wūdidid ñan emṁan eo ami, im aiboojoj an Etan.”⁷

KAKEEMEMEJ KO

1. Lale Jenesis 1:28.
2. Amos 3:7.
3. Lale Katak im Bujen ko 21:5.
4. Katak im Bujen ko 1:38.
5. “Ña Nejin Anij,” *AI*, no. 44; *AI ko AI In Ajri*, 2–3.
6. Lale Katak im Bujen ko 50:21–22.
7. Katak im Bujen ko 21:6.

KATAKIN JĀN ENNAAN IN

Ilo kweilok eo eḷap jej maroñ būki uwaak ko ad make ñan kajjitōk im būrabōlōm ko ad ilo ad roñjake ro rikarejeraṅ Anij kar kālet er. ḷōmṅak in kōnono kōn men kein ilaḷ ippān ro kwoj katakin: Elmen ami maanjabpopo ñan bōk kain uwaak rot in ilo kweilok eo eḷap? Būreetjōn Uchtdorf ej rōjañ kōj ñan “tiljek kappukot Jetōb in mool eo.” Ilo aṁ ḷōmṅak ta meḷeḷein, im elmen aṁ maroñ kōmṁane menin ilo aṁ maanjabpopo eo? Ilo kakkobaba ñan kōjeraamṁan in kar kwaḷoke ilo Katak im Bujen ko 21:6, ta kōjeraamṁan ko jet rej itok ilo aṁ maanjabpopo ñan roñjake naan ko an Irooj jān ro Rikarejeraṅ? Komaroñ kūrtoḷ ro jet kwoj katakin ñan je ilo juon jōnōl ta eo Jetōb ej katakin er ilo kweilok eo eḷap.

JODIKDIK RO

Maanjabpopo ñan Roñjake Ainikien Anij

Būreetjōn Uchtdorf ej kōmeḷeḷeik elmen men eo moktata Anij eaar kōmṁane ālkin kōmṁan maan im kōrā eaar kōnono ñan er im kar leḷok ñan er meḷeḷe im katak ko raorōk. Jej būki ejja kōjeraamṁan in ilo Eprōj im Oktoba ilo kweilok eo eḷap, ñe ritōl ro an Kabuñ rej kōnono ñan kōj im letok ñan kōj kapilōk eo me Irooj ekōṅaan bwe jen roñ.

Kwonañin ke roñ ainikien Anij jān ro Rikarejeraṅ ilo kweilok eo eḷap? Kwonañin ke kar eñjake juon ennaan ejjejet kar lewaj uwaak eo kwaar pukoti? Ilo juon jōnōl, komaroñ je eñjake in im elmen an kar jipañ eok. Innām maanjapopo ñan roñjake ainikien Irooj ilo kweilok in ej itok ilo aṁ je kajjitōk ko aṁ im ekkatak jeni ilo iien aṁ riiti jeje ko rekwojarjar. Jar ñan Jemedwōj Ilañ, kajjitōk ñan bōk uwaak ko im eñjake ko ilo kweilok eo. Ilo aṁ roñjake ro rikarejeraṅ Irooj, pedped ioon iṁwe ko. Ta eo kwaar ekkatak? Elmen aṁ kar eñjake iṁwe ñan oktak? Je iṁwe ko bwe Jetōb ej kōnono ñan eok!

Iien otemjej keememej bwe Jemedwōj Ilañ ej iakwe eok im enaa tōl eok ilo iaḷ eo ejiṁwe. Ilo aṁ kajjieoñ ñan roñjake Ainikien jen ro Rikarejeraṅ, kwonaaj jeraamṁan im mōṅōṅō.

AJRI RO

Pojak ñan Kweilok eo!

Je iṁwe ko ilo juon peba jidikdik. Kōjparok peba eo jippaṁ ilo iien kweilok eo eḷap bwe kwon je ta eo kwoj ekkatak.

Je kajjitōk ko aṁ. Ij ḷōmṅak kōn . . .

Jar ñan Jemedwōj Ilañ. Inaaḷ mōṅōṅō in ekkatak kōn . . .

Roñjake kweilok eo eḷap. Ij kōmṁane . . .



Jar kōn Kajjojo Sister ilo Am̄ Kwaļok Kajjojo Etaer

Ad iakwe im kea kōn ro jej loļok er enaaļ lapļok ñe jej jar ilo ettā kōn kajjojo sister elaptata ilo ad kwaļok kajjojo etaer.

Tōmak, Baamļe, Deor

Jeje ko rekwojarjar rej kwaļok elōñ waanjoñok ko kōn em̄maan ro im kōrā ro raar jar kōn aer kwaļok etan ro jet. Ilubwilijin elōñ iaan armej ro ban meļokļok ej jemān Alma Alma eo Edik. Juon enjeļ eaar kōnono ñan Alma eo Edik, jiroñ ļok e bwe jemān “[eaar] jar elap kōn tōmak kōn eok . . . ; kōn menin, kōn un in iaar itok ñan kareel buruom̄ kōn kajoor im maroñ an Anij, bwe jar ko an ro karejeran ren maroñ uwaak ekkar ñan aer tōmak” (Mosaia 27:14).

Jar kōn doon ej kōppeļļok būruwōd ñan bōk kōjeraam̄man ko me Irooj ekōñaan letok ñan kōj. “Jibadbad eo an jar ejjab tin ukōt ankilaan Anij, ak ñan kōjparok kōj make im kōjeraam̄man ko jet me Anij ej m̄oñoñō in litok, ak jej aikuj in kajjitōk ñan būki.”¹

Juon sister eaar kwaļok bwe ilo juon iien epen ilo mour eo an, juon

kūr ak juon ennaan ekkā an itok jān rūkaki in loļok ko an kōrā ilo “raan ko remarok.” Raar baj jeļā wōt ñe ej aikuj jipañ. Eaar jeļā bwe raar jar kake e, jim̄or ilo iien aer loļok im iien ko aer make.

“Łōmņak kōn kobain kajoor eo ad make eļañne aolep sister rej lukkuun jar kajjojo jibboñ im jota ak, em̄man-ļok, jar im jab kijelok ainwōt an Irooj kakien,” Julie B. Beck, kar Būreejtōn eo m̄okta an Douluo eo an Kōrā.² Jar kōn ro jej loļok er ñan kōkajoor kōj kajjojo im ainwōt kōrā ro Rekwojarjar.

Būreejtōn Henry B. Eyring, Rikakpilōklōk eo Kein Kajuon ilo Būreejtōnji eo Kein Kajuon, eaar ba: “Jar kōn wāween jeļā būruweer. . . . Kwonaaj aikuj in jeļā ta eo Anij ekōñaan bwe kwon kōm̄mane ñan jipañ er im ñan kōm̄mani aolepāer, ilo joñan wōt eo komaroñe, eñjake iakwe an Anij ñan er.”³

KAKEEMEMEJ KO

1. Guide to the Scriptures, “Prayer.”
2. Julie B. Beck, “What Latter-day Saint Women Do Best: Stand Strong and Immovable,” *Liahona*, Nov. 2007, 110.
3. Henry B. Eyring, “Priesthood and Personal Prayer,” *Liahona*, May 2015, 85.

Łōmņak kōn Menin

Ta im̄we im ļōmņak ko m̄oktak ļok raar itok ñan eok ilo am̄ kar jar kōn kajjojo sister ro kwoj loļok er?

Kwaļok

Jen jar kōn kajjojo sister ilo ba etaer, jenaaj bōk im̄we an juon make ñan jeļā kilen uwaaki aikuj ko an kajjojo sister jej loļok.